

Serbski institut Sorbisches Institut

PŘIPOWĚDZENJE

Zetkanje syće młodych akademikarjow-sorabistow

27.-29. meje 2021, digitalnje

Serbski institut přeprošuje třeći raz wědomostny dorost na wuměnu. W srjedźišću zetkanja stejitej interdisciplinarna wuměna a mjezsobne zeznaće slědžerkow a slědžerjow, kotřiž so ze Serbami pod regionalnym abo specifisko-tematiskim widom zaběraja resp. tajke dźěło planuja.

Corona-pandemije a z njej zwisowacych wobmjezowanjow dla wotměje so zetkanje lětsa digitalnje. Jeli to powšitkowne wuměnenja dowola, je hybridna forma předwidžana.

Tři dny skića wobdźělnicam a wobdźělnikam składnosć, swójske slědženja předstajić a diskutować. Witane su přinoški z wšelakich wědomostnych předmjetow, kaž z rěčespyta, kulturnych wědomosćow a stawiznow runje tak kaž transdisciplinarne předewzaća z přirunowacych mjeńšinowych slědženjow abo z wobłuka digital humanities. Štóž chce swój slědženski projekt prezentować (na př. bachelorske, masterske, magisterske resp. doktorske dźěło abo post-doc-projekt), njech zapoda prošu zarys swójeho dźěła (maksimalnje jednu A4-stronu) zhromadnje z krótkim žiwjenjoběhom (inkl. informacije wo wědomostnym předmjeće, městnosći skutkowanja a tučasnym dźěłowym čezišću).

Nimo toho ma zetkanje zaso k tomu přinošować, wo sebjezrozumjenju sorabistiskeje syće rozmyslować. Chcemy dale wo wuměnenjach a perspektiwach interdisciplinarneho zhromadneho dźěła diskutować. Namjety za diskusijne koła su witane!

Zetkanje wotměje so w hornjo- a delnjoserbskej, němskej a jendźelskej rěči.

Wotběh:

Sćěhowacy digitalny časowy ramik je zaplanowany: 27.-29. meje 2021, mjez 11 a 16 hodź. Za předstajenje projekta je maksimalnje 30 mjeńšinow inkl. diskusije předwidžane. Bliše wothłosowanja nastupajo wobsahoweho rjadowanja a moderacije jednotliwych sekcijow sćěhuja po přizjewjenju. Organizaciju přewozmu sobudźělačerki a sobudźělačerjo Serbskeho instituta zhromadnje ze zajimcami syće. Wobdźělenje je darmotne. Ewentuelne jězbné wudawki so narunać njemóža.

Kontakt a přizjewjenje:

Wšitke zajimcy přizjewja so prošu hač do **18. apryla 2021** pola:

Theresy Jacobsoweje pod theresa.jacobsowa@serbski-institut.de

Roberta Lorenca, robert.lorenc@serbski-institut.de

Lubiny Malinkoweje, lubina.malinkowa@serbski-institut.de

Hłowne sydło · Hauptsitz
Dwórnišćowa 6 · Bahnhofstraße 6
D-02625 **Budyšin** · **Bautzen**
T +49 3591 4972-0
F +49 3591 4972-14
si@serbski-institut.de
www.serbski-institut.de

Wótnožka za dolnosorbiske slěženja
Zweigstelle für niedersorbische Forschungen
Droga Augusta Bebela 82
August-Bebel-Straße 82
D-03046 **Chóšebuz** · **Cottbus**
T +49 355 48576-482
F +49 355 48576-494
cottbus@serbski-institut.de



**Serbski Sorbisches
institut Institut**